



ՄԱՆԿԱԿԱՆ ԲԺԻՇԿՆԵՐԻ ՀԱՅԿԱԿԱՆ ԱՍՈՑԻԱՑԻԱ
АРМЯНСКАЯ АССОЦИАЦИЯ ДЕТСКИХ ВРАЧЕЙ
ARMENIAN PEDIATRIC ASSOCIATION

Համառոտ տեղեկատվություն

«Մանկական բժիշկների հայկական ասոցիացիա» (ՄԲՀԱ) ՀԿ-ն ստեղծվել է 2007 թ.՝ միավորելով երեխաների առողջության ոլորտում աշխատող տարբեր մասնագետներին: Ասոցիացիայի խորհրդում ներկայացված են առաջատար մանկաբույժներ, մանկական վիրաբույժներ և նեղ մասնագետներ, երեխաների և դեռահասների ոլորտում գործող առողջապահության կազմակերպիչներ, բժշկական համալսարանի դասախոսներ, միջազգային կազմակերպությունների ներկայացուցիչներ: **Ասոցիացիայի գործունեությունն ուղղված է Հայաստանում երեխաների և դեռահասների առողջության և զարգացման հիմնախնդիրների լուծմանը հետևյալ ուղղություններով.**

- աջակցություն որակյալ բուժօգնության կազմակերպմանը և տրամադրմանը,
- աջակցություն ուղեցույցների և այլ օժանդակ նյութերի մշակմանը,
- բուժանձնակազմի շարունակական բժշկական կրթություն,
- աջակցություն երեխաների և դեռահասների առողջության ոլորտին առնչվող ազգային քաղաքականության մշակմանը, շահերի պաշտպանություն
- մանկաբուժական ոլորտում գիտական հետազոտությունների, վերլուծական աշխատանքների, դիտարկումների խրախուսում,
- միջազգային համագործակցության իրականացում:

Իրականացված գործունեություն

✓ **Մանկաբուժական ազգային կոնֆերանսներ.**

Խոշորագույն մանկաբուժական գիտաժողովներ՝ միջազգային մասնակցությամբ իրականացվել են 2008, 2010, 2012, 2014 թթ: Կոնֆերանսներին մշտական աջակցություն են ցուցաբերել ՀՀ Առողջապահության նախարարությունը, Երևանի Մ.Հերացու անվան Պետական բժշկական համալսարանը: Յուրաքանչյուր կոնֆերանսին մասնակացել է 400-450 մանկաբույժ, ընտանեկան բժիշկ, մանկական վիրաբույժ և նեղ մասնագետ Հայաստանի բոլոր մարզերից և ԼՂՀ-ից: Կոնֆերանսի բանախոսների շարքում Հայաստանի և արտերկրյա առաջատար մասնագետներ (Մեծ Բրիտանիայից, Շվեյցարիայից, Դանիայից, Ֆինլանդիայից, Ռուսաստանից, Վրաստանից և այլն):

✓ **«Մանկաբուժական դպրոց» Երեւանի և մարզերի մանկաբույժների, մանկական մասնագետների և ընտանեկան բժիշկների համար.**

Իրականացվել են ՀՀ ԱՆ աջակցությամբ՝ յուրաքանչյուր տարի, 2008թ.-ից ի վեր: Մասնակցիների թիվը ըստ տարիների. 2008 թ.՝ 45; 2009 թ.՝ 65, 2010 թ.՝ 43, 2011 թ.՝ 172, 2012թ.՝ 175, 2013թ.՝ 244, 2014թ.՝ 180, 2015թ.՝ 189, 2016թ.՝ 242: Հարյուրավոր բժիշկներ

ունեցել են հնարավորություն ունկնդրելու մանկաբուժության առավել արդիական հարցերին նվիրված դասախոսություններ:

✓ **Ուղեցույցների, այլ մեթոդական նյութերի մշակում.**

Մշակվել և հաստատվել են երեխաների միգրոլիների ինֆեկցիաների վարման և մուկովիսցիդոզի ախտորոշման ուղեցույցներ, թոքաբորբերի և տոնզիլիտների վարման մեթոդական ձեռնարկները:

✓ **Արտագնա սեմինարներ Հայաստանի մարզերում.**

Ասոցիացիան կանոնավոր իրականացնում է արտագնա դասախոսություններ և սեմինարներ առաջնային և երկրորդային օղակի բժիշկների համար բոլոր մարզերում: Ամեն տարի իրականացվում է 7-8 նման միջոցառում, յուրաքանչյուրին մասնակցում են միջինը 30-40 ունկնդիր:

✓ **Մարզերում հիվանդ երեխաների անվճար գնումներ առաջատար մասնագետների կողմից:**

Հաշվի առնելով Հայաստանի մարզերում մասնագիտացված օգնություն ստանալու առկա դժվարությունները՝ Ասոցիացիան կազմակերպում է մասնագիտական խմբերի կանոնավոր այցելություններ Հայաստանի մարզեր: Անցած տարիների ընթացքում գնվել է շուրջ 3500 երեխա:

✓ **Գիտական աշխատանքների, վերլուծությունների, դիտարկումների խրախուսում.**

Ասոցիացիան կանոնավոր մասնակցում է մանկաբուժության ոլորտում ընթացող և պլանավորվող գիտական աշխատանքների քննարկումներին:

✓ **Աջակցություն քաղաքականության մշակմանը.**

2010 և 2011թթ. Ուորլդ Վիժն Հայաստանն իր «Երեխայի առողջությունն առաջնային է» քարոզարշավի շրջանակներում ՄԲՀԱ հետ իրականացրել է մի ծրագիր, որի նպատակն էր մարզային մակարդակում վերհանել նորածիններին և երեխաներին տրամադրվող բուժօգնության որակի և մատչելիությանը նպաստող խնդիրները՝ օգտագործելով ՄԲՀԱ-ի մարզային ներկայացուցչությունների, ծառայությունների մատուցողների, ՀԿ-ների ուժն ու ակտիվ ներգրավվածությունը: Լոռվա և Շիրակի մարզերում կազմակերպվել էին աշխատանքային խորհրդակցություններ: Քննարկման արդյունքներն ամփոփվել էին ազգային մակարդակում: 2013թթ.-ին Ուորլդ Վիժն Հայաստան կազմակերպության հետ համատեղ «Բարձրացնել մասնագետների դերը և երեխաներին ցուցաբերվող մանկաբուժական ծառայությունների որակը» ծրագրի շրջանակներում՝ ԱՐԱԲԿԻԲ ԲՀ-ԵԴԱԻ և Ասոցիացիայի կողմից պատրաստվել է Հայաստանում երեխաների առողջության արդիական խնդիրների վերաբերյալ տեղեկությունների հավաքագրում և հետազոտում, անցկացվել է 3 կլոր սեղան-քննարկումներ՝ ՀՀ ԱՆ, Երևանի և մարզերի առաջատար կլինիկաների մասնագետների և միջազգային կազմակերպությունների մասնակցությամբ: Քննարկվել են ոլորտի ներկայիս խնդիրները և Ասոցիացիայի դերը մանկական բնակչության առողջությանն ուղղված քաղաքականության, ծրագրերի և չափորոշիչների/ ուղեցույցների մշակման գործում: 2015թ.-ին «Բաց հասարակություններ հիմնադրամի» հետ համատեղ

իրականացրեց Հայաստանում մանկական պալիատիվ խնամքի կարիքների գնահատում: «Երեխաների պալիատիվ բժշկական օգնության և սպասարկման» հայեցակարգի նախագիծը ներկայացվեց և քննարկվեց Կլոր սեղանին 2016թ.-ի ապրիլի 6-ին:

Ասոցիացիան հանդիսանում է Մոր և մանկան ոլորտում գործող ոչ կառավարական կազմակերպությունների Ալյանսի ակտիվ անդամ:

✓ **Միջազգային գործունեություն.**

Սկսած 2007թ.-ից Ասոցիացիան կանոնավոր մասնակցում է Եվրոպական մանկաբուժական ասոցիացիայի և Համաշխարհային մանկաբուժական ասոցիացիայի աշխատանքներին: Ասոցիացիայի ներակայցուցիչները մասնակցում է Միջազգային և Եվրոպական Գլխավոր ասամբլեաների աշխատանքներին, ընդհանուր քաղաքականության մշակմանը, ընտրություններին, Եվրոպական ասոցիացիայի կողմից իրագործվող միջազգային ուսումնասիրություններին:

2009, 2012, 2014, 2015թթ.-ին ԼՂՀ-ում անցկացվել են ուսումնագործնական կոնֆերանսներ, վարպետության դասընթացներ և “բաց դռների օրեր”, որոնց շրջանակներում տարբեր մասնագետների կողմից գննվել է ավելի քան 400 երեխա: 2010թ.-ին Վրաստանի Ռեսպիրատոր Ասոցիացիայի հրավերով Ջավախքի շրջանում անցկացվեց համատեղ գիտապրակտիկ կոնֆերանս և երեխաների ընդունելություն, գննվեցին շուրջ 100 երեխաներ:

Յուրաքանչյուր տարի միջազգային մասնագիտական ասոցիացիաների և առաջատար մանկական կլինիկաների հետ համատեղ անցկացվում են միջազգային սիմպոզիումներ և ուսուցողական դասընթացներ, որոնց մասնակցում են հարյուրավոր մանկաբույժներ, ընտանեկան բժիշկներ, նեղ մասնագետներ և կլինիկական օրդինատորներ:

Կոնտակտներ.

Ասոցիացիայի նախագահ` Պրոֆեսոր Աշոտ Ալեքսանդրի Սարգսյան
Փոխնախագահ / Գլխավոր քարտուղար` Դոցենտ Սերգեյ Գերասիմի Սարգսյան
Գործադիր տնօրեն` Եվա Ալեքսանդրի Մովսեսյան
Հասցե` Մամիկոնյանց փ. 30, ք.Երևան, 0014
Հեռ.՝ +374 10 236030; +374 91 887944; Fax: +374 10 284170
Էլ.փոստ` armpa@yandex.com